

精校池北偶談

冊三

精校池北偶談

卷六

池北偶談卷九目錄

談獻六之五 凡五十三則

魯仲連

李顯

沈文端公

常給事

秦檜復謚

癖

楊國忠

翰林建言

葉忠節

郭希顏邪說

王文成

蘇叔黨大節

直諫

兩薛居正

野紀勝搜

司空表聖

蘇汝霖陳光龍

王邦直

韓固

劉念臺先生

商丘三張

李忠定公

王東阜逸事

孫文定戒子

成相國二世厚德

韋蘇州

姚平仲

邊尚書

仁宗徽宗

武陵起復

浙江人物

神魚井

吳康齋李文達

峴山幢宋人題名

王秋澄

楊襄毅

江少仙言

大椿堂

兩蕭后

徐鉉

馬驪


二尹

圖丈襄厚德

光孝者鐵塔文

至誠

在疚記



黃詩

王若之

李師中

蕪湖烈婦

張昭

鈞陽二老

三帝陵詩

朱忠莊公遺疏

卷九目畢

池北偶談卷九

談獻

濟南王士禎阮亭著

高都姪廷掄簡菴較

魯仲連

新城東北錦秋湖上有魯仲連陂傳為魯仲連所居按前書魯仲連子十四篇在儒家

轅固

新城有地名牛固相傳轅固故里也未知所據前書藝文志齊后氏故二十卷齊孫氏故二十卷齊雜記十八卷轅固齊人說詩獨不見於班史史但云魯申公為詩訓故而齊轅固燕韓生皆為之傳或取春秋采雜說咸非其本義云

李顥

种放賜告西歸有一高士隱居三世以野菽一盤詩一章贈放云接得山人號舍人朱衣前引到蓬門莫嫌野菽無多味我是三追處士孫宋史列放隱逸傳中予嘗非之若此君差無愧耳近藍屋李顥兩經徵聘不出有古人之風顥以理學倡導關中

劉念臺先生

劉念臺先生居常敝帷穿榻瓦竈破釜士大夫飾輿騎而來者多毀衣以入偶服紫花布衣士大夫從而效之布價頗高會稽令趙士諤問疾至榻前見其單陋出而歎曰豈意今日得親管幼安萬曆丁巳京察韓浚劉廷元尋怨東林士諤時為考功爭之曰劉大行之清修人所不堪此諤所親見者乃止給事中徐耀使浙渡江來見先生辭之耀曰昔人不得見劉元城以為如過泗洲不得見大聖耀如徒返何顏見卿之父老乎先生乃見之其為世所企慕如此黃少詹石齋祭告禹陵事竣謁先生及門者三先生不見曰降此亂朝豈大臣徜徉山水之日石齋聞之即行○海寧吳忠節公麟徵初第時常夢至一古寺有角巾而書碑者所書乃文信國零丁

洋詩問之旁人曰此山陰劉宗周也後二公先後殉國

沈文端公

商丘沈文端公鯉家居生日族人上壽時明神宗遣使存問從弟某私語公曰兄位宰相蒙恩存問而羣從子姪濟濟如此可謂盛矣公愀然久之曰弟以為盛吾方憂其衰耳弟愕然問故公曰吾鄉宋立蕃大宰繼家法可敬彼方當貴盛吾家不及也頃立養生日吾預其家宴座中子弟數十人不聞飲啖聲昨吾生日見諸子弟飲啖不顧長者家法如此是以知其衰也後沈再傳遂不振而宋莊敏公從孫文康公權位宰相文康長子中丞今為江蘇巡撫

商丘三張

張昉字子東崇禎庚午舉人潛心伊雒之學不言而躬行甲申後居一土室不入城市時為五言詩學陶靖節書學顏平原守令欲一見不可得今七十餘尚在其兄某少慕神仙棄家訪道五十年不歸弟翮字大羽頓面修髯狀貌奇偉倜儻通輕俠一旦渡江走大雄難髮為沙門獨留其髯數年刻期端坐而逝

常給事

常若柱山西人順治丁亥進士改庶吉士授給事中居京邸惟孺人及一老僕供給使貧不能具饘粥居諫職數日上疏劾閹賊偽相牛金星當明正典刑以雪普天之恨坐視即日賃一車夫婦共坐出國門老僕步從行路皆歎息

李忠定公

世史正綱於李忠定公歿書觀文殿大學士隴西公李綱卒於張浚則不書又引何彥澄家藏朱晦翁墨蹟一帖云十年前率爾記張魏公行實當時只據渠家文字草成後見他書所記多不同常以為根揭後斯云宋之不能中興由張浚之逐李綱殺曲端引秦檜殺岳飛也中興宋鑑云張魏公有不可解者忠力攻李忠定而寧與汪黃同朝維揚之變國危矣曾無一言聲時相之咎一不可曉也力引奸檜使至得政而寧與趙忠簡語不

相下二不可曉也中興大事記云使浚移其攻忠定之筆而攻汪黃豈不快公議哉浚徒以有子南軒至今稱為正人無識至此之武侯謬矣江右鄧左之履中著張浚不當從祀辯語載前卷中

秦檜復諡

宋寧宗嘉泰四年追封岳飛為鄂王開禧二年追奪秦檜爵諡醜此天下萬世公議其實韓侂胄欲用兵而先有此舉也乃邊釁既開又誅侂胄以媚敵遂復秦檜爵諡則諱矣

王東皐逸事

王東皐伯長文選時內大臣某嘗奉

世祖皇帝旨逮工部侍郎張某至部以

旨示滿洲尚書韓代尚書

以無漢字召公至屬書之公難之曰以驛字命郎中出上意耶某不敢不書大臣意耶某腕雖斷不敢書也二公皆歎服其有執公嘗宿部休沐甚少而選郎草奏其煩五鼓啟事視他司為多一羊裘着之十餘年毛盡脫滿洲同官聚謀曰王長官一寒至此奈何釀金製狐裘一貂帽一持遣公公不受曰伯勉生平不受人一錢何敢拜公等賜同官公言於冢宰冢宰力勸始受公改御史內陞時都御史以兩淮鹽法敝欲舉公往公力謝不可曰內陞借補之員例不奉差今必以此事相付從前弊竇不敢欺隱以負主上遂止

癖

阮遙集有屐癖祖約有錢癖初不辨得失後客詣約有財物拊擋未了見客至便傾身障蔽詣阮方吹火蠟屐數曰未知此生當著幾兩屐神色開暢於是勝負始判阮公高流何至與錢奴較優劣耶和長輿亦有錢癖當時與杜元凱王武子並稱典午人不顧名教流弊至此

孫文定戒子

益都孫文定公廷服官居鄉恂恂廉慎其子寶侗有高才侍公京邸每鄉試必遣歸家戒不得入京闈嘗曰吾為大臣汝又薄有文譽使或以一第相溷為結納之階平生廉隅掃地矣寶侗至今尚為諸生文定此一節真有唐質肅王忠肅二公之風

楊國忠

天寶九載楊國忠請復張易之兄弟官爵陸務觀詩何至詔書褒五郎是也此與宋復秦檜諡明英宗立王振廟同

成相國二世厚德

大名成丈穆公基命大拜後改作居第購得民居有樹貞節坊者令勿毀其第遂低一隅其子青壇相國克大拜後修家廟地為前明陳鴻臚之室有少卿坊適當關門之衝當毀其後人式微召而告之曰吾亦故家也忝居相位詎認壞故家之綽楔遂改關門其屋當改造坊久而敬賴屋以支修屋則坊圯乃并其坊新之人稱其兩世厚德云

翰林建言

康熙間翰林建言者四人始則孝感熊相國賜以論時政關失得薄譴上親政擢學士不三年遂大拜繼

則廬陵張學士貞幹臣生諫差滿洲大臣巡方鐫二級去後詔以原官起用辭不至再詔至京卒於位又海陵

陳編修紀雁羣志上書論督撫大吏貪污又勸上用威刑上親鞠遣成寧古塔連及臺省數人又猗氏

衛檢討爾錫齊既上書條列時政上御乾清門奏對不稱旨既而衛以祖母喪歸歸六年復至京奉旨調外補

霸州判二十六年以原官起用二十七年特旨陞山東布政使然四君子人品各有不同熊受特達之知固不

必言張居王山與木石為伍讀書刻苦一介不以取與衛教授汾西在姑射山中雖長吏罕覩其面皆非陳所

及也

韋蘇州

韋蘇州史失為立傳宋沈明遠始補傳其生平端末終亦未詳集中有逢楊開府一篇少事武皇帝亡賴恃恩私云後人遂疑為三衛而韻語陽秋因附會以為恃幸后宗族云噫語武斷可笑腐儒之見乃如此

葉映榴字丙霞江南上海縣人順治辛丑進士由庠吉士改部曹出視陝西學政稍遷湖北督糧參議戊辰武昌兵變從容拜疏公服自劉死奉旨褒嘉特贈工部侍郎己巳上南巡其子葉敷迎駕上諭禮部

等衙門當楚省兵譁之際葉映榴盡節捐軀朕心深切憫悼特詔所司優贈亞卿兼予卹廕今巡行江南見其子葉敷迎伏道旁彌增軫惻忠節之臣應特與諡以彰異數爾等會議具奏部覆特諡忠節丙霞

故刑部侍郎有聲子弱不勝衣在部曹與予為文章之交嘗以度州圍城中詩二百餘篇屬子序論竟未及報乃甫脫賴圍復遭楚難疾風勁草大節凜然贈官易名迺出令甲之外死不朽矣

姚平仲

老學叢談載陸務官姚將軍趙宗印二詩惜不得姚名字今渭南文集有姚平仲傳度齋豈未睹之耶

郭希顏邪說

明嘉靖中允郭希顏以謫外家居上疏建儲嬰世宗怒之傳旨九邊後人憐其罪酷有為請諡者又或入其疏於名臣奏議中可笑按希顏此疏本以遷謫妄有覬覦固不必言其在詞林見議禮諸臣驟貴又見相嵩以議興獻王耐廟稱宗得大拜希顏遂建言欲黜孝宗武宗二廟不與九廟之數而以興獻上接憲宗公論惡之遂以計典罷斥其人穿窬之不若而論者不察猶廁諸直諫之列何哉黃穀菴宗伯汝良野紀矇搜備詳其事且謂二祖列宗之靈實視其魄此萬世公論論世者之所當知

邊尚書

弘治末孝宗上賓予郡邊尚書華泉貢為兵科給事中疏劾太監張璠太醫劉泰高廷誤用御藥逮璠等下獄大理卿楊守隨謂同讞諸臣曰君父之事誤與故同例以春秋許世子之律不宜輕宥此事與泰昌時孫文介行論紅丸事相類尚書工詩博雅為弘正間四傑之一世但知其文章而不知其丰裁如此又先生仲子習字仲學頗能詩其佳句云野風欲落帽林雨忽沾衣又薄暑不成雨夕陽開晚晴而老鰥貧窶至不能給朝夕以死則先生清節可知也

王文成

王文成公為明第一流人物立德立功立言皆踞絕頂康熙中開明史館東筆者嘗誓太甚亡友葉文敏方時為總裁予與之辨論反復至於再四十二年四月

上宣諭湯侍讀荆峴

規

令進所著詩文且蒙

召封

中王守仁論上聞之問湯意云何湯因對以守仁致良知之說與朱子不相刺謬且言守仁直節豐功不獨理學上首肯曰朕意亦如此 睿鑒公明遠出流俗之外史館從此其有定論乎

仁宗徽宗

元臣巖巖曰宋徽宗諸事皆能獨不能為君耳矣輟錄記周正夫曰仁宗皇帝百事不會只會做官家此語在巖巖之前可謂絕對

蘇叔黨大節

宋人議蘇過叔黨附梁師成師成妻死為服總麻云顧略其大節元表伯長清容集有跋叔黨竹石牧牛圖云小坡竹石綽有文風後倖定武罵賊不屈死之其氣節不墜光於前人矣事詳揮麈錄劉後村跋小米畫云叔黨之才百倍元暉元暉至侍從叔黨死小官命也夫揮麈錄又載叔黨政和中召入禁中畫窠石而終不過武陵起復

予嘗謂楊武陵奪情事後人論之過刻聞之山長教授云其父客嚴首昇周聖楷輩為武陵所抑遂騰謗書

又當時與黃石齋先生矛盾故論者多少之耳予按禮曾子問云子夏問曰三年之喪金革之時無避也者非

與子曰吾聞諸老聃曰昔者魯公伯禽有為之也注曰魯有徐戎作難喪卒哭而征之公年傳閔子要經以

赴公難退而致位以究私恩春秋亦紀晉襄公墨綬之事漢唐以來遂有起復之禮能改齋漫錄云前漢翟方

進喪既葬二十六日除服起視事後漢桓焉為太子太傅以母憂自乞聽以大夫行喪踰年賜牛酒奪服宋王

性之默記云本朝不獨宰相即百執事皆起復惟富鄭公以太平而辭儒臣如楊大年王元之晏元獻皆未持

服富公之後如陳升之亦百日起復此蓋朝廷體貌況在兵革之際云按已上諸公非盡有金革之事若武陵

服富公之後如陳升之亦百日起復此蓋朝廷體貌況在兵革之際云按已上諸公非盡有金革之事若武陵

則金革之事也。顧論者不責彼而責此，何歟？又考明初名臣亦多起復。至羅一峯論李文達後，此風始息。奪情固非美事。然南陽以一峯武陵以石齋獨受惡名，則不幸也。聖楷字伯孔，湘潭人有才名，後為獻賊偽常德知府，發掘楊相祖墓，最慘卒為獻賊所殺。

真諦

樂郊私語載楊璉真伽至海鹽州寓城北德藏寺，欲發掘陸左丞朱提舉妻女之墓。寺僧真諦聞之，怒形於色。楊五更肩輿擁眾出，真諦忽起，抽韋馱杵奮擊從者數百人，不能拒人。見真諦於眾中，超躍每踰尋丈，捷如鷹隼。楊大懼，遁去。後二年，真諦行脚峨眉，不知所終。此僧殊快人意，但恨不在賊髡發諸帝陵寢時耳。

浙江人物

西園雜記論兩浙人物，劉文成為謀臣之首，宋文憲為文臣之首，方正學為忠臣之首，于忠肅為功臣之首，宸濠之變，孫忠烈首輸忠死節，王文成首倡義，勘亂此皆躋也。獨謂世宗之初，張羅峯首建議以成大禮，此所謂貂不足，狗尾續者耶？

兩薛居正

五代末初有兩薛居正，其一錢唐人，仕吳越武肅王官太尉，卒諡貞顯。

神魚井

何騰蛟字雲從，明末以都御史撫楚，其先山陰人。戍貴州黎平，衛遂為黎平人所居，有神魚井，素無魚。騰蛟生魚，忽滿井，五色巨鱗大者至尺餘，居人異之。後騰蛟盡節死井，忽無魚。

野紀曝搜

黃穀菴尚書良汝作野紀曝搜，明二百餘年間大事，稍備其持論頗正。然不可解者二事：其一謂李西涯與劉文靖謝文正為三仁，其一嘉靖初大禮議主張桂輩而詆楊文憲也。

吳康齋李文達

世論吳康齋太刻野紀賸搜云與弼以布衣老儒一旦授五品侍從人皆詫為殊榮寧復過望蓋與弼之聘薦自石亨亨小人後來敗露輿論推求能無為威德之累如蔡邕受知董卓遂喪生平故不受耳與弼好遯不汙見險能止見地優於楊時多矣此論甚公賸搜又云王文恪評李文達云國朝三楊得君最久者無如李賢亦亦能展布才猷然當時亦以賄聞云云文達相業視三楊有過無不及後王亦入閣相業如何勿亦不自見其賤乎頃見施愚山章在史館作文達列傳頗致微詞不敢謂然施或未覩毅菴此論耳

司空表聖

史謂司空表聖躁於進取前人辨之屢矣考一鳴集有答孫邵書益證史官之妄書略云古之山林者必能簡於情累而後可久今吾少也忿然不能自勝於胸中乃不誠於退者然亦窮而不搖辱而不進者蓋自審已孰雖進亦不足救時耳彼一斛之磬或請濟於其鄰雖童子不可以空器給之也矧當艱否之運吾君吾相方以爵秩來天下之賢將與之共極其可沽虛而自售耶又云愚雖不佞為士大夫獨任其恥者久矣其可老而冒之耶韓吏部激李桂州之必行責楊道州無勇雖致二賢適自困亦何救於大患哉觀此書躁進者肯為此語否史之妄不辨可知

峴山幢宋人題名

襄陽峴山羊公祠有石幢一枚凡六面高六尺每面闊九寸有蓋有座一面直書下第一行刻使帖襄陽縣第二行刻准慶曆七年十一月六日中書劉子襄州奏當州城南五里有峴山一所上有古祠碑又有晉太傅已減唐僅存聖旨字末行上存帖到速採石大字書刻上件其四面界作六層刻詩下題名又一面大書題名又幢一臥峴山上其文可辨者十三字曰石於山巔播清芬而不已餘盡漫漶末云開國男張九齡撰前一幢詩可辨者三首尚書工部員外郎直龍圖閣知襄州事王洙七言古詩云襄陽南出大路奔小山曰峴名特尊山形卑隨不峻極屹若巨首臨江瀆大山半宮不成霍絕水關左非為疊礧巔巔負戴危石箕踞曼衍羅芳蓀漢流長驚瀆其足東望瀛逸皆平原槎頭下瞰呂留集蔡州近眺田園蕃何物茲山匪秀出得使今古聞聽喧自

昔羊公好登覽山名直為賢者鹿門望楚鎮區境鳳林冠蓋延山樊丹巖翠壁互幽勝日月虧蔽烟嵐屯公胡道彼而樂此談者未始聊診綸吾謂聖達竟超豁高覽便欲周乾坤孔登泰山小天下阮升廣武數豎缺一字會稽探穴禹書出之采望海雲濤翻此中風景亦虛遠極目見盡江山源東吳未定勞機策置酒嘯咏紆勞煩數顧溫甫恤躬後誓將百歲游精魂對公盛德與山永正唯湛輩如公言今茲去公僅千載凜然英氣猶軒軒我來追古一長息舊迹廢毀成悲吞民豪占山童其木嘉植不得容燔本根利取薪蘇積稠養樹之陶抗供燒羊公無廟忽不祀但縱淫鬼歆牲饗中享有碑即墮淚至今觀者懷仁恩於民何諒不足問非民忘德由官惜下教里邑復祠宇叙諸祭曲躋之元恩仁愛樹恭所差禁止樵伐修壩垣且欲王命得守固謄言狀事馳九閣書聞天子缺一字報可金石款刻垂後昆缺一字遺愛勸爾風化常缺一字給事中知蔡州事吳育絕句羊公千載得清吟芳迹雖遙契昔心更與峴山為故事凜然風格照來今尚書屯田員外郎知光化軍事李宗易律詩叔子祠荒歲已深異時賢守重登臨峴山岑寂瞻風緊漢水靈長想德音奉詔始聞新締葺有知那復歎湮沉又刊翠琰畱南夏先後功名照古今其端明殿學士尚書禮部侍郎李淑諸人詩皆缺已上每面十一行十二字名字可辨者范仲淹李淑吳育劉敞李宗易張去惑孫抗章不伐李康伯賈黯裴昱馬雲黃通連庠又宋人飲餞題名甚多知名者張唐英趙德麟魏道輔岑巖起李方叔已上凡七則大者方員徑寸小者殺其半字畫端勁非俗書也予以康熙壬子過襄陽徘徊祠下未及摹搨止錄諸公題名予門人淮陰張力臣詔有嗜古之癖辛亥過襄曾有拓本項索之略錄如右

蘇汝霖陳光龍

廣西孫延齡馬雄之亂死節者前則巡撫馬公雄鎮富川知縣劉公欽鄰後則巡撫將軍傅公弘烈又有間關賊中百折不回乃心王室如提學道僉事蘇公汝霖平樂縣知縣陳公光龍亦疾風勁草也蘇棄家逃至肇慶軍前題補布政使部議以品級太懸不允蘇尋死於粵然軍前題補品級相懸者不可勝計如胡一璉以僉事題補布政使是也獨蘇恪以部議可歎陳僅題授梧州府同知尋以病請一妾鄧氏一子粵郎皆死徭峒中讀

其與袁太常書甚可悲也蘇子鶴洲石埭人士辰進士陳黃陂人舉人

王秋澄

王秋澄先生教萬曆中官吏部文選郎中力持公法正政府權璫無所措手繼者為顧涇陽孟雲浦馮思齊生皆效之遂相繼黜逐伍袁羊林居漫錄云然又嘗薦起鄒忠毅諸公為正人所倚先生吾鄉淄川人也

王邦直

王邦直字子魚又字東溟即墨人以歲貢官鹽山丞上疏罷歸殫精聲律之學聚書千百卷坐臥一小閣二十
年成律呂正聲六十卷其說謂君聲最清管以三寸九分本呂氏春秋其數配之揚子雲太玄縷析比合而以
諸家九寸之說為非是萬曆甲午詔修國史翰林周公如砥上其書史館深為大學士南克陳公所歎賞周公
云班固律曆志載即墨徐萬且氏治太初曆第一而子魚追配之於十載之後其外孫黃御史宗昌序刻之康
熙十八年予在明史館亦上其書

楊襄毅

蒲州東門外有兩阜蜿蜒形家相傳以為貴地楊襄毅公博為吏部尚書時命堪輿擇吉壤得此地以告公曰
此關閩郡文章科第我蜀為私之即於其地建文昌祠入皆服公厚德不可及後公長子俊民官至戶部尚書
第四子俊卿官錦衣餘三子皆官監司俊卿子元祥元祥子世芳皆官詹翰世以為公厚德之報云元祥未弱
冠登第入翰林早死母哭之慟一夕見夢曰母勿過傷兒當復來未幾生遺腹子即世芳也未弱冠亦登第入
翰林母猶及見之吳天章叟說

大椿堂

蒲州有大椿堂為楊襄毅博王襄毅崇張文毅四三公讀書之所其後三公相繼登進士第一大拜一至吏書
一至兵書張即王之甥也山西至今傳為盛事

黃詩

黃先生端伯江南人精禪理少時見其瑤光閣集一卷皆宗門語乙酉以給事中殉節金陵將授命有報恩寺僧一輪趨過黃呼令代書一絕云對面絕思量獨露金剛王若問安身處刀兵是道場書畢從容就義死此詩載甲乙事案

兩蕭后

遼聖道二宗享國皆最久皆有宮闈之變聖宗仁德皇后善琵琶法天后稱斤誣其與琵琶工燕文顯李文福通投書聖宗寢帳聖宗不之信其後竟為稱斤所殺道宗宣懿皇后工詩尤善琵琶耶律乙辛誣其與伶官趙惟一通構死才藝足為婦德之累况可耽音樂乎仁德事載契丹國志遼史本傳不載宣懿事詳焚椒錄

王若之

王若之字相客益都人明南京戶部尚書基家孫為人蕭洒疎誕有晉人風致工尺牘好彈琴善五言詩嘗刻尺牘五言四卷以門廕入官仕至長蘆都轉運司南渡官金陵大兵渡江若之轉徙寓姑孰佛寺以書畫鼎彝古金石文字自隨車尚兼兩洪文襄公承諭之降不屈死王所實古琴名桐笙今尚在其家

徐鉉

南唐以徐鉉使北請緩師後主曰卿行當止上江救兵勿令東下鉉對曰今社稷所賴惟此救兵何可輒止臣此行未必能紓國難但置之度外耳此不惟純臣之誼亦識事機後金人圍汴京唐恪耿南仲輩專主和議止各道勤王兵遂致二帝北狩之禍非鉉之罪人乎

李師中

蘇明允預識荆舒之姦人皆服其先見同時李待制師中因邸吏報包希仁參政或曰朝廷自此多事矣師中曰包公無能為今鄴令王安石者眼多白甚似王敦他日亂天下必此人明允擬之王夷甫盧杞師中擬之王敦其識不相上下皆不減張安道呂獻可今人但知老泉何也

馬驕

馬驥字驥御一字宛斯濟南鄒平人順治己亥進士仕為淮安推官終靈璧令生而清羸博雅嗜古尤精春秋左氏學撰辨例三卷圖表一卷隨筆一卷名氏譜一卷又著繹史凡分五部一曰太古三皇五帝二曰三代夏商計二三三曰春秋十二公時事四曰戰國春秋以後至秦五曰外錄紀天官地志名物合一百六十篇篇為一卷始開闢原始迄今人表其書最為精博時人稱為馬三代崑山顧亭林武光服之康熙癸丑歲卒於官靈璧人皆為制服云

蕪湖烈婦

江南初入版圖時有裨將於蕪湖掠一婦人義不受辱衣服上下縫紉周密其夫訪贖之主將堅其許婦悲憤投水死至晚泊舟舢舨前窺窳有聲則婦尸已在次日泊舟復然以篙逐之俄頃復至又次日復然乃昇而棄之听月餘此將在船頭納涼忽大叫曰婦又至矣翻身落水而死

二尹

成化間歷城尹恭簡公昺為小人所擠尹直著瑣綴錄尤極誹謗其書久行於世至有不辨二尹邪正者一日問李文鳳月山叢談公道較然因錄於左方李云成化末小人用事南昌李致省挾左道干進位尚書掌通政司託言神降有江西人赤心報國之語以太宰歷城尹公不右江西人乃計謀極力擠罷而用豐城李裕代之及薦泰和尹直入內閣起永新劉敷長憲臺萬安黃景貳禮部四人皆世稱寡廉鮮恥者而新建謝一夔安成劉宣俱不保晚節一變進工部尚書宣貳吏部物議沸然不平獨服肝江何公喬新節行介特未幾致省誅死直等相繼免公論始明云當時謠曰公道不如王恕選法不如尹昺

張昭

張昭濟南蒲臺人忠義前衛右十戶所司吏英宗復辟石亨曹吉祥等恃寵賣官至三十餘員昭奏之直隸山東大饑復上書言六事上皆從之後任南昌府司獄學士張元禎謂之曰君昔三疏位卑而議論甚高官小而事業則大已寫入金匱令名無窮矣蒲志出庸手恐遺此公因讀月山叢談錄之以存其人

圖文襄厚德

大學士諡文襄圖海公既定平涼軍中論功取諸將偏裨士卒記功牌報部記過牌悉聚焚之不以語人其厚德如此子諾敏公今為刑部尚書人以為陰德之報前實難令高君某云在軍前親見之

鈞陽二老

一日與客談及逆謹時聞老劉守曾元不知何許人及考列卿年表元南直隸含山人字則河南鈞州人與馬端肅公同時同里馬公勲德如泰山北斗至今人稱鈞陽公而守曾不得比於蚍蜉之細官位之不足重人如此

光孝寺鐵塔文

廣州府光孝寺有鐵塔一乃劉鋹所造上有文曰大漢皇帝以大寶十年丁卯歲敕有司烏金鑄造千佛寶塔一所七層并相輪蓮花座高二丈二尺保龍有慶祈鳳曆無疆萬分咸底於清平八表永承於文泰善寶三有福被四恩以四月乾德節設齋慶讚謹記後列中官姓名

予廣州遊覽
志別詳之

三帝陵詩

一路荒山秋草裏行人惟拜漢文陵唐人詩人四十二年如夢覺春風吹淚過昭陵宋人詩也祠官如可乞長奉秦陵園先帝侍臣空灑淚秦陵春望已模糊明人詩也文帝仁宗孝宗三君德澤感人之深如此

至誠

古來名臣多矣然十百年後讀史至諸葛忠武侯司馬文正公之薨輒感動流涕者至誠為之也

朱忠莊公遺疏

明中丞朱忠莊公諱之馮本名之喬字德止號勉齋京師人金忠潔公鍾其妹之夫也二公平日以理學相砥礪後皆死甲申之變公子丁未進士敦厚示公殉節時遺疏及家書各一通敬錄之疏云我國家金甌全盛不謂人心離散財用困窮一至於此臣之所為痛哭流涕也臣力已竭臣罪滋深南望九叩一死以報我皇上